

鞞婆沙論

才四

四百二十
洛四

50915

Handwritten notes on the right margin, including the number '1' and various illegible characters.

七
祿九年丙子二月日重脩

皇
圖
聖
區
帝
階
級
昌

佛
日
增
輝
懋
輪
常
轉

山
城
州
天
安
寺
法
金
剛
院
置



鞞婆沙論卷第四

迦旃延子造

符秦罽賓三藏僧伽跋洛譯

洛

解十門大章

二十二根十八界十二入五陰五盛陰六界
 色法無色法可見法不可見法有對法無對
 法有漏法無漏法有為法無為法過去法未
 來法現在法善法不善法無記法欲界繫法
 色界繫法無色界繫法學法無學法非學法
 無學法見斷法思惟斷法無斷法四諦四禪
 四等四無色定八解脫八除入十一切入八
 智三三昧三結三不善根三有漏四流四扼
 四受四縛五蓋五結五下分結五見六身愛



七使九結九十八使

鞞婆沙二十二根處第十六

二十二根者眼根耳鼻舌身意根男根女根
命根樂根苦根喜根憂根護根信根精進念
定慧根未知根已知根無知根問曰何以故
彼作經者依二十二根而作論答曰彼作經
者意欲令如所欲如是作經與法不相違以
是故依二十二根而作論或曰彼作經者無
事問曰何以故彼作經者無事答曰此是佛
契經佛契經說二十二根彼作經者於佛契
經中依本末處所已此阿毗曇中作論彼作
經者不能二十二根中減一根已立二十一

增一已立二十三問曰何以故答曰所謂是
一切佛契經亦不增亦不減不增者無增可
減不減者無減可增如不增不減如是無量
深無邊無量深者無量義故無邊者無邊味
故如大海無量深無邊如是佛契經無量深
無邊無量深者無量義故無邊者無邊味故
如尊者舍利弗如是此百千那術佛契經
二句作百千經今智盡而住不能盡佛契經
或曰得其邊涯如佛契經此論是故作經者
無事問曰置彼作經者何以故佛契經說二
十二根答曰佛世尊為教化故說二十二根
彼受化者應須二十二根或曰契經有本末

有因有緣問曰契經有何本末荅曰說者有生聞梵志彼中食後彷徨遊行至世尊所到已共世尊面相慰勞已在一面坐一面坐已生聞梵志白世尊曰瞿曇我欲少有所問聽我所問當為我說世尊告曰梵志隨所欲問梵志曰瞿曇根謂根瞿曇根有幾所云何瞿曇根根所攝施設而施設世尊告曰汝梵志有二十二根從眼根至無知根此梵志有介所根如是如來根根所施設而施設梵志若如是說此非根如沙門瞿曇所施設我捨此根更施設餘根者彼但有言數問已不知增益生癡何以故如非境界如梵志問佛荅是

故契經不必索本末此應索彼梵志何以故
問根不問界入陰諦沙門果道品緣起有一
說者謂彼梵志疑而問不疑不問或曰彼梵
志善能求喜行彼盡遊九十六種道爲施設
根故彼或有一爲施設根如尼捷是故彼不
截菜亦不飲冷水謂彼於外物計有命想問
曰彼尼捷於外物有何根想一說者意根也
復有說者命根也如是說者意根及命根更
復有施設二根行及意復有施設二根若眼
不見色耳不聞聲彼是聖修諸根如彼波羅
羅施問曰何以故名波羅施答曰是彼名名波
羅施或曰彼姓波羅施是故名波羅施如姓

婆蹉拘蹉婆羅婆檀提羅如是彼姓波羅施
是故名波羅施若母刹利種父梵志種此亦
名波羅施母梵志種父刹利種亦名波羅施
如從驢馬生名爲騾此梵志姓名波羅施彼
弟子名鬱多羅中食後彷徨行至世尊所到
已共世尊面相慰勞已却坐一面坐一面已
世尊告曰鬱多羅汝師波羅施爲弟子說修
根不鬱多羅白世尊曰如是瞿曇波羅施爲
弟子說修根世尊告曰鬱多羅云何波羅施
爲弟子說修根鬱多羅曰唯瞿曇眼不見色
耳不聞聲彼是聖修諸根世尊告曰如是鬱
多羅盲者爲修根鬱多羅盲者眼不見色彼

時尊者阿難在毘摩竭地。執拂拂毘摩竭地。於是尊者阿難告鬱多羅龍曰。如是鬱多羅龍者。爲修根鬱多羅龍者耳。不聞聲問曰。如尊者舍利弗。如是比百千那術。毘摩竭地能答彼能斷意。何以故。毘摩竭地尊答一阿難答二。何以故。毘摩竭地尊不止阿難答曰。毘摩竭地尊知阿難言在咽喉欲語。毘摩竭地尊三阿僧祇劫百千苦行已終。不斷他辯。以是故本師讚曰。已弟子說法時。專心聽不斷論。以是故在衆說。於中間無能難。以是故不止。或曰。毘摩竭地尊作是念。若我說阿難比丘說亦不增不減。如不增不減。以是

故不止或曰斷彼異學意故若世尊說一阿
難不說二彼異學還至已衆已當自稱譽彼
師伏我非弟子我師往者彼不能伏若世尊
說一阿難說二令彼異學勢力斷彼作是念
我不與弟子等何況師是斷彼異學意故世
尊說一阿難說二或曰欲滿彼異學意願故
彼異學作是念此沙門瞿曇不可伏不可勝
一切師最妙謂本大師者彼亦不能伏此況
復如我比我正可共弟子論世尊常欲滿彼
意所欲願隨所應解而爲說是故欲滿彼異
學意願故不止或曰義證故阿難彼異學所
宗敬能說因提書及容色妙故世尊說以此

往問是法應汝所說不以是義證故世尊說
一阿難說二或曰異學不欲令弟子有所說
恐還難問使我墮不如故世尊無此事如尊
者舍利弗所有智百千那術數不能及佛況
復餘者以是故世尊不止阿難或曰現已無
慳嫉妬故異學不欲令弟子有所說恐我所
得供養弟子得故世尊無此事如世尊所得
恭敬供養盡令一切衆生得佛不得者於此
處亦不憂感是謂現已無慳嫉妬故不止阿
難或曰現善說法故成就說法故一見一慧
一欲一忍故彼異學法不善說如破塔不可
依如是彼意盡壞志亦壞師志異弟子志異

此法無彼咎如師志弟子亦介義同義句同
句味同味乃至同第一義是謂善說法故成
就說法故一見一慧一欲一忍故以是故世
尊說一阿難說二故世尊不止阿難問曰世
尊說彼異學有何咎彼說亦介盲及聾聖修
根荅曰佛報彼梵志極大咎斷一切意世尊
說曰若汝言聾盲聖修根者為唐出家虛剃
鬚髮空修梵行應壞此二根眼根及耳根如
是即聖修根以是故佛報梵志極大咎斷一
切意復有施設五根香味眼皮耳根香者鼻
根味者舌根眼者眼根皮者身根耳即耳根
施設如毗施師也復有施設十一根五覺根

五行根五覺根者眼根耳鼻舌身根五行根者手根足根口根大便根小便根意根爲十一如僧呿也復有施設百二十根問曰云何異學施設百二十根荅曰九十八使及二十二根也如是說此不論彼異學不能分別如此法問曰若不能分別者云何彼異學施設百二十根荅曰二眼二耳二鼻舌根身根意根命根五痛根五信此地獄二十畜生二十餓鬼二十天上二十人間二十阿須羅欲令六趣彼亦二十是彼異學施設百二十根復有說者彼異學非施設此百二十根問曰若不尔者復云何荅曰彼異學施設百二十因陀

羅如所說龍主迦留羅主阿須羅主天主人
主梵天主如此極上極妙身一一應受百二十
主彼梵志聞已重更生疑不知何者第一義
施設一根耶至百二十根耶彼聞釋種家生
童男三十二相莊嚴身八十種好金色圓光
梵音聲如伽毗陵伽鳥視之無厭彼生時行
七步二龍洗浴梵志相記於二處非餘若在
家者為轉輪王如法法王若除鬚髮被著袈
裟信樂捨家學道當成如來無所著等正覺
世間悉聞彼已出家學道降魔魔眷屬已成
無上最正覺得一切智及一切現斷一切疑
撥一切定決一切論我當往問何者第一義

施設一根至百二十根耶彼便至世尊所到已
共世尊面相慰安慰勞已却坐一面白世尊曰唯
瞿曇我欲有所問聽我所問當為我說世尊
告曰梵志隨所欲問梵志曰瞿曇根謂根瞿
曇根有幾所去何瞿曇根根所攝施設而施
設此不說誰施設幾根問曰何以故不說答

曰彼作是念若我說者彼聞已取彼勝者答
我世尊告曰汝梵志有二十二根從眼根至
無知根此梵志有八所根如是如來根根所
攝施設而施設梵志若如是說非此根如沙
門瞿曇所施設我捨此根更施設餘根者彼
但有言數問已不知增益生癡何以故如非

境界問曰何以故說此梵志有尔所根如是
如來根根所攝施設而施設荅曰止彼本所
聞謂彼施設一根至百二十根此非如彼所
說我是一切智一切見猶不能增減二十二
根況復異學以見壞意成就凡智以是故彼
梵志問根不問界入陰諦沙門果道品及緣
起二十二根者眼根至無知根問曰名有二
十二根種有幾阿毗曇者說曰師說也名有
二十二根種有十七阿毗曇者五根不欲令
是種男根女根未知根已知根無知根問曰
男根女根何以不欲令是種荅曰彼說如阿
毗曇中所說云何如根身根少分云何男根

身根少分彼離身根不欲令男女根別有種
問曰未知根已知根無知根何以故不欲令
是種答曰彼說此九根合聚未知根九根合
聚已知根九根合聚無知根合聚九根者意
根三痛根信五此九根或時未知根或時已
知根或時無知根見道中未知根思惟道中
已知根無學道中無知根堅信堅法意中未
知根信解脫見到身證意中已知根慧解脫
俱解脫意中無知根如此九根或未知根或
已知根或無知根以是故彼名有二十二根
種有十七尊者曇摩多羅說名有二十二根
種有十四彼尊者曇摩多羅此五根不欲令

是種更有三命根護根定根問曰彼何以故
命根不欲令是種荅曰此命根不相應行陰
所攝彼尊者曇摩多羅不相應行陰非是種
問曰彼何以故護根不欲令是種荅曰彼尊
者曇摩多羅說有介所痛謂若樂若苦彼不
苦不樂痛亦不能苦亦不能樂此云何痛問
曰彼佛契經云何通佛說三痛樂痛苦痛不
苦不樂痛苦荅曰彼說有樂痛苦痛或濡或增
上或鈍或利謂彼樂痛苦痛軟樂痛苦痛鈍
樂痛苦痛止是彼不苦不樂痛但彼離苦樂
不欲更有痛以故介問曰彼何以故定根不
欲令是種荅曰彼從契經起佛契經說定根

云何荅曰善意一心彼曇摩多羅離心更無
別定種以是故彼名二十二根種有十四尊
者佛陀提彼說名有二十二根種或二或五
謂彼盡是有爲法二分四大及心彼說色根
者是四大差降無色根者是心差降以是故
彼名有二十二根種或二或五如是說者名
有二十二根種有十七如名如種如是名數
種數名相種相名異種異名別種別名覺種
覺如是盡當知尊者瞿沙說曰應說一根是
第一義意根也問曰何以故荅曰謂此是內
是普是共緣內者內入所攝普者從阿鼻地
獄至第一有可得共緣者一切法緣謂餘根

離此聚中眼根耳鼻舌身根男女根雖是內
非是普非是共緣五根中除護根餘四痛雖
共緣非是內非是普護根及信五雖普及共
緣非是內未知根已知根無知根無別種彼
前已說謂根合聚問曰餘根何因得根名答
曰依故猗故染著故淨故已淨故依者眼根
耳鼻舌身根也猗者命根也染著者五痛也
淨者信五也已淨者未知根已知根無知根
也問曰若尔者男根女根何因得根名答曰
此欲男中姪稷姪種此姪稷姪種因男根女
根也或曰因五事故一者生生二者生欲樂
三者能止結四者依起染汚身識五者定行

姪人生生者胎生也。生欲樂者彼姪人於此處起欲樂已遍身中生樂如聖人從眉間起聖樂已遍身中生樂如是彼姪者此處起欲樂已遍身中生樂能止結者須臾止也。依染汚身識者依餘三種生識善不善無記。依男根女根已必生不善身識非是善非是無記。定行姪人者習姪心非不習姪心。是五事故。一。生生二。生欲樂三。能止結四。依起染汚身識五。定行姪人。以是故男根女根得名更有說者。此中命根六當說第一義根命根六者。眼根耳鼻舌身命根。問曰何以故。答曰謂此根本衆生種。問曰若此根本衆生種彼餘根。

何因得名答曰因種因染著者因淨因已淨因種者意根也因染著者五痛也因淨者信五也因已淨者三無漏根也以是故餘根得名問曰男根女根何因得根名答曰謂此中轉生人亦生出要人轉生人者如六師也生出要人者佛辟支佛聲聞也以是故男根女根得名或曰命根八當說第一義根命根八者眼根耳鼻舌身男女命根也問曰何以故答曰謂此根本衆生種問曰若此根本種者彼餘根何因得名答曰因種因染著者因淨因已淨得根名因種者意根也因染著者五痛也因淨者信五也因已淨者三無漏根也以是

故餘根得名此是根根性已種相身所有自
然說性已當說行何以故名根根有何義答
曰增上義是根義明義是根義收義是根義
宗義是根義最義是根義勝義是根義妙義
是根義生義是根義問曰若增上是根義者
一切有爲法各各相增無爲法亦有爲法增
何以故立二十二根答曰此增上緣或增上
或軟或妙或下謂彼增上緣增上及妙當知
二十二根謂增上緣軟及下當知餘法或曰
雖一切有爲法各各相增及無爲法有爲法
增但餘無有增上緣如是增如是明如是收
如是宗如是勝如是妙如三十二根

如人各各相增但餘無有增上緣如村中主
國中王四天下轉輪王大千國梵王三千大
千世界佛世尊如是雖一切有為法各各相
增及無為法有為法增但餘無有增上如是
增如是明如是收如是宗如是最如是勝如
是妙如二十二根是故說增上義明義收義
宗義最義勝義妙義生義是根義問曰若增
上義是根義此根義何所為增上緣答曰眼根
四事為增上緣一者己身端嚴二者持己身
三者依生識四者不共事己身端嚴者極令
身妙具足一切肢節若眼根不具彼非端正
多所憎惡若眼根具已顏貌端正衆不憎惡

是謂已身端嚴也持已身者眼見好惡除惡
從好令身久住是謂持已身也依生識者依
此眼生眼識是謂依生識也不共事者眼根
見色此事餘根無也耳根亦四事爲增上緣
一者已身端嚴二者持已身三者依生識四
者不共事已身端嚴者極令身妙具足一切
肢節若耳根不具彼非端正多所憎惡若耳
根具已顏貌端正衆不憎惡是謂已身端嚴
也持已身者耳聞好惡除惡從好令身久住
是謂持已身也依生識者依此耳生耳識是
謂依生識也不共事者耳根聞聲此事餘根
無也更有說者眼根持生死身爲增上緣如

所說偈
眼見諸惡 如實當求 慧以存世 除去諸惡
耳根持法身為增上緣如所說偈
聞法能知 聞惡不作 聞除非義 聞得至滅
更有說者 眼根耳根俱持生死身及法身為
增上緣持生死身如前所說持法身者眼根
近善知識 誦習耳根聞法近善知識及聞法
已思惟念向法次法以是故彼契經說彼時
梵摩梵志二根不壞眼根及耳根問曰何以
故一切根中說二根不壞眼根及耳根答曰
謂二根入佛法中是門是度是道以是故一
切根中說二根不壞眼根及耳根鼻根舌根

身根亦四事為增上緣一者已身端嚴二者持已身三者依生識四者不共事已身端嚴者極令身妙具足一切肢節若三根不具者非端正多所憎惡三根具者顏貌端正衆不憎惡是謂已身端嚴也持已身者依此三根通搏食謂搏食即三入香味細滑是是謂持已身也依生識者依此三根生三識是謂依生識也不共事者謂鼻嗅香舌知味身知細滑此事餘根無也意根二事為增上緣一者次生當來有二者自在次生當來有者如所說阿難若識不入母胎寧名色膜漸厚不阿難曰不也世尊是謂次生當來有也自在者

如所說比丘心牽世間心煩惱心生自在更有說者意根復有二事增上緣一者染著二者清淨染著者如所說心染著衆生染著清淨者如所說心清淨衆生清淨是謂意根二事爲增上緣女根男根亦二事爲增上緣一者施設根二者斷根施設根者本有一士夫亦不知男亦不知女若少生造色因少造色故女形異處所異持衣異所說異飲食異去來異男形亦異更有說者此男根女根復有二事爲增上緣一者染著二者清淨染著者非姪故說增上主此中無疑問曰若非姪者此去何答曰若有具此二根彼受非威儀能

起五逆斷善根滅一切善種子破壞一切善
根此不成男性不成男無形二形不能作
所惡清淨者若具此二根彼受具足戒威儀
能起定威儀無漏威儀除欲界結色界結得
須陀洹果斯陀含果阿那含果阿羅漢果辟
支佛果佛果此不成男性不成男無形二形
不能發念所功德是謂男根女根二事爲增
上緣命根二事爲增上緣一者施設根二者
斷根施設根者至命存說有根死已有何根
更有說者命根四事爲增上緣種類續種類
持種類行種類不斷是謂命根四事爲增上
緣五痛根一向染著爲增上緣因五痛令衆

生趣東西南北過棧道過刺道過蒺藜道過
山嶮道過羅刹渚入大海洄復濤波失搔摩
羅山同水色黑風暴起度惡龍處所求財物
盡爲五痛故更有說者樂根喜根亦有二事
爲增上緣一者染著二者清淨染著者如所
說樂痛愛使所使清淨者如所說樂已心定
苦根憂根亦二事爲增上緣一者染著二者
清淨染著者如所說苦痛恚使所使清淨者
如所說因苦習信護根亦二事爲增上緣一
者染著二者清淨染著者如所說不苦不樂
痛癡使所使清淨者如所說謂依六出要護
彼習彼依彼立已謂此依六欲護便棄捨如

是彼得斷如是五痛根三事爲增上緣信五
根一向清淨爲增上緣如所說偈

信能度流不放逸海諦捨除苦以慧清淨
如所說舍利弗信耶成就若比丘比丘尼除
去不善修行於善復如所說阿難精進能轉
成道如所說舍利弗聖弟子成就精進力除
去不善修行於善如所說我說一切中念如
所說舍利弗聖弟子成就於念如守門人除
去不善修行於善如所說偈

定者是道非定非道定已自知五陰興衰
如所說舍利弗聖弟子成就三三昧須除去
不善修行於善如所說偈

慧爲世間妙 能起有所至 能用等正智

生老病死盡

如所說慧過一切法上如所說諸妹聖弟子
以慧刀斷一切結縛使腦纏重斷打重打割
剝未知根未見處當見處爲增上緣已知根
已見處當除諸惡爲增上緣無知根已除諸
惡現法受樂爲增上緣是謂事於中此二十
二根爲增上緣共行說已當說別行去何眼
根答曰謂眼色已見當見今見及此餘所有
已見者過去當見者未來今見者現在及此
餘所有者謂彼眼識或空或非空如眼根如
是耳鼻舌身根亦尔問曰意根去何答曰謂

意法已識當識今識及此餘所有已識者過
去當識者未來今識者現在及此餘所有者
謂彼意識相應問曰女根去何荅曰身根少
入男根云何身根少入問曰如身極微從足
至頂滿何以故於身根少處說女根男根尊
者婆須蜜說曰此二根令衆生得名是男是
女問曰二形二形得名欲令彼二形得名耶
尊者曇摩多羅說曰諸尊此二根中生佛辟
支佛聲聞仙人文尼善樂善御問曰云何命
根荅曰三界壽也問曰何以故不相應行陰
中命根立根種類不立荅曰命根報果一切
報因行故此種類不定或報果或依果以是

故命根立根中種類不立問曰云何樂根答
曰樂痛觸更樂謂身心中生善樂能覺是痛
是謂樂根問曰苦根云何答曰苦更樂觸若
生身不善苦覺是痛是謂苦根問曰喜根云
何答曰喜更樂觸若心中生善樂覺是痛是
謂喜根問曰憂根云何答曰憂更樂觸若心
中生不善苦覺是痛是謂憂根問曰護根云
何答曰不苦不樂更樂觸若心中生非善非
不善覺是痛是謂護根問曰信根云何答曰
行欲時為善法故若信能信重信競重已
解當解今解屈伏意心淨是謂信根問曰精
進根云何答曰行無欲時為善法故若精進

方便力精懃已能當能今能心正持是謂精
進根問曰念根云何荅曰行無欲時為善法
故若念次念數念已憶當憶今憶不忘心正
憶是謂念根問曰定根云何荅曰行無欲時
為善法故若心住等住上住無亂不散攝正
定是謂定根問曰慧根云何荅曰行無欲時
為善法故若擇選擇法擇視等視上視了等
了上了山地眼覺點慧行觀是謂慧根問曰
云何未知根荅曰若人未見未觀謂學慧慧
根及諸根堅信堅法未觀四諦能觀若人未
見者謂彼不見諦未觀者謂彼未觀諦學慧
慧根者即是慧根也及諸根堅信堅法未觀

四諦能觀者謂八根也。此九根合聚謂未知根也。問曰：何以故？慧說二名。餘道品一。答曰：妙說妙義，故一切彼品中何者最妙？慧是如所說王及眷屬行，或曰：謂慧能三觀一者事。觀二者見，觀三者緣。觀謂彼相應法，雖有二觀事，觀緣觀，但非見。觀性慧，慧非故，謂彼共有法，雖有一觀是事，觀但非見。觀性非慧，故亦非緣。觀非緣法，故此慧能三觀。以故，或曰：謂慧見結不得久住，如地隱垂見物，還入如是慧見結不得久住，或曰：謂慧照意結，賊不燒，如室有燈，賊不敢燒。如是慧照意結，賊不燒，或曰：謂無智則縛，智則解脫。或曰：於佛

法中謂智快樂能覺則妙如盲入珍寶渚如是無智入佛法中如有目入珍寶渚如是有智入佛法中是說於佛法中有智快樂能覺則妙或曰謂慧能觀餘道品盲如彼盲聚一有目者而為將導如是餘道品盲慧者能觀而為將導入寶真諦或曰謂彼如人說眼首覺覺種種道道種或曰謂慧能照一切法此外事如日月星宿摩尼藥瓔珞宮殿能照一界一入一陰一卍少所入一界者色界一入者色入一陰者色陰一卍者現在此慧能照十八界十二入五陰三卍或曰謂慧能斷諸法自相及共相立法自相及共相壞種癡及壞

緣癡於法中不顛倒行或曰謂彼說如講堂
如所說諸賢我依戒立戒昇戒已登無上慧
講堂少方便而觀千世界或曰謂斷結時說如
利刀如所說諸妹聖妹聖弟子以慧刀斷結縛
使煩惱纏重斷打重打割剝或曰謂彼說如
珍寶如所說舍利弗聖弟子成就慧珍寶除
不善修行於善或曰佛世尊愛樂慧佛世尊
非愛色非族姓非力非錢財非豪貴非眷屬
但愛樂慧以是慧二名餘道品一問曰已知
根云何荅曰謂人已見已觀學慧慧根及諸
根信解脫見到身證已觀諦能止觀謂人已
見者謂彼已見諦已觀者謂彼已觀諦學慧

慧根者即是慧根及諸根信解脫見到身證
已觀諦能止觀者謂八根此九根合聚謂已
知根問曰如無學亦能止觀如彼退法至無
退法無退法至念法念法至護法護法至上
法上法至無疑何以故說學止觀不說無學
答曰應說若不說者是世尊有餘言此現義
門現義略現義度當知義或曰謂更斷結更
受果彼說止觀彼無學更不斷結亦更不受
果以是故不說止觀或曰謂更斷繫得得者
得之更受解脫得彼說止觀彼無學不更斷繫
得亦不更受解脫得以是故不說止觀或曰
謂更斷無知更得智彼說止觀彼無學雖更

得智不更斷無智染汚無智故以是說學止
觀不說無學問曰無知根云何答曰謂人已
見已觀無學慧慧根及諸根慧解脫俱解脫
已觀諦現法受樂謂人已見者謂彼已見諦
已觀者謂已觀諦無學慧慧根者即是慧根
及諸根慧解脫俱解脫已觀諦現法受樂言
謂入根此無根合聚謂無知根問曰如學現
法亦受樂何以故說無學現法受樂不說學
答曰應說若不說者是世尊有餘言此現義
門現義略現義度當知義或曰妙說妙義故
若說妙法者學法勝非無學若說人妙無學
人勝非學人或曰謂此猗樂快受彼學意結

所熱是故倚樂不快受此無學意結熱滅是
故倚樂快受或曰謂此倚樂極廣大受彼學
或結怨家盡或不盡是故倚樂不極廣大受
如王或降怨家或未降是故王境界不極廣
大受如是彼學或結怨家盡或不盡是故倚
樂不極廣大受此無學一切結怨家盡彼倚
樂極廣大受如王降一切怨家彼王境界極
廣大受如是此無學一切結怨家盡是故倚樂
極廣大受或曰謂現法樂非後樂彼學現法
樂後亦樂此無學是現法樂非後樂以是故
無學說現法受樂不說學問曰此說及諸根
慧解脫俱解脫已觀諦現法受樂彼三·明·阿

羅漢有耶無耶若有者此中何以不說若無者彼契經云何通彼契經尊者舍利弗至世尊所問唯世尊五百比丘中幾比丘三明幾比丘俱解脫幾比丘慧解脫世尊告曰舍利弗此五百比丘九十比丘三明九十比丘俱解脫餘比丘慧解脫舍利弗此衆無枝葉亦無節清淨堅任問曰尊者舍利弗知耶不知耶若知者何以問若不知者云何稱聲聞波羅蜜作此論已說曰知也問曰若知者何以故問荅曰或有知而問如所說佛世尊知而問或曰爲他故而問雖尊者舍利弗知彼衆中有不知者彼不知者彼不成就無畏法不

能問世尊尊者舍利弗知亦成就無畏法彼
爲他故問世尊或曰入等性現差降故問佛
爲彼五百比丘說法盡得阿羅漢果不受當
來有彼世尊心歡悅故說等同誰能第一義
世尊心歡悅謂斷當來有尊者舍利弗作是
念雖一切得阿羅漢果斷當來有第一義世
尊心歡悅但未知誰勤精進誰不勤精進以
是故入等性現差降故問或曰佛因彼道果
說等同尊者舍利弗道差降故問或曰佛因
彼無爲解脫等同尊者舍利弗於有爲解脫
差降故問或曰施主思願開故問若施主夏
四月受供養彼思願開意如是此極妙福田

莫作是念施種惡田或曰少欲灰覆功德歲
顯示世間故如人灰覆歲發顯示故如是少
欲灰覆功德歲顯示世間故問或曰現弟子
功德故問此應尔如弟子問師答是現弟子
功德故問或曰不實貢高智焦增智慢斷貢
高慢故問謂彼成就增智慢不喜問世尊說
舍利弗比丘問閻浮利十六分慧不能及何
況汝等凡智見成就是謂不實貢高智焦增
智慢斷貢高慢故問或曰斷謗故問異學誹
謗世尊說者沙門瞿曇從舍利弗曰捷連受
法而說夜受晝說如尊者舍利弗叉手而問
世尊答是謂斷誹謗故或曰斷於法嫉妬故

問若嫉妬者他說功德而不喜聞何況自說
尊者舍利弗無此咎是故斷於法嫉妬故問
或曰現無貢高及求善法故問或曰現世尊
善說印可故問如王謗書法令若無王印可
一切關守便有留難如是若善說無如來印
可於過去佛法中四部衆便有留難如王謗
書法令若王印可一切關守無有留難如是
若善說如來印可於過去佛法中四部衆無
有留難是謂現世尊善說印可故尊者舍利
弗問作此論已說曰有三明阿羅漢問曰若
尔者於彼經通此經中何以不說答曰應說
若不說者世尊有餘言或曰彼已說在此中

若。有。此。三。明。阿。羅。漢。或。性。慧。解。脫。或。俱。解。脫。已。說。慧。解。脫。當。知。已。說。性。慧。解。脫。三。明。阿。羅。漢。也。已。說。俱。解。脫。當。知。已。說。性。俱。解。脫。三。明。阿。羅。漢。說。者。更。有。二。師。尊。者。視。違。羅。尊。者。瞿。沙。披。摩。尊。者。視。違。羅。者。稱。說。慧。妙。尊。者。瞿。沙。披。摩。者。稱。說。滅。盡。定。妙。尊。者。視。違。羅。說。慧。勝。非。滅。盡。定。慧。者。等。緣。滅。盡。定。者。無。等。緣。尊。者。瞿。沙。披。摩。說。滅。盡。定。勝。非。慧。慧。者。凡。人。亦。有。滅。盡。定。者。非。凡。人。若。稱。說。慧。者。非。滅。盡。定。彼。說。若。有。三。明。無。八。解。脫。者。是。說。三。明。阿。羅。漢。謂。三。明。有。八。解。脫。彼。亦。說。三。明。何。以。故。謂。彼。慧。勝。非。滅。盡。定。一。明。

二明者慧解脫若稱說滅盡定者非慧彼說
若有人解脫無三明是說俱解脫若有八解
脫及三明此亦說俱解脫何以故謂彼滅盡
定勝非慧一明二明者慧解脫說者彼此但
虛論不益經不益義如是好如前所說此三
明阿羅漢或得滅盡定或不得若得滅盡定
彼說俱解脫不得者說慧解脫復次未知根
已知根無知根更別說行未知根去何答曰
未知當知未觀當觀未斷當斷是故說未知
根問曰若未知當知未觀當觀未斷當斷是
說未知根者彼苦法忍生已觀欲界五陰於
上生苦法智欲界五陰已觀重觀如此已觀

當觀何以故說未知根不說已知根答曰苦
法忍生欲界始觀五陰未已觀於彼上苦法
智生已觀欲界五陰或曰苦法忍生欲界五
陰雖觀欲界五陰但未知彼上苦法智生知
欲界五陰因智故名爲觀非是忍或曰於彼
上當生道未曾所觀意陰覆墮下以是故說
未知根非已知根問曰已知根云何答曰已
知當知已觀當觀未斷當斷是故說已知根
問曰若已知當知已觀當觀未斷當斷是說
已知根者道未知忍生除共有相應法餘一
切法智及觀於彼上生道未知智彼共有相
應法智及觀如此中未知當知未觀當觀何

以說已知根不說未知根。答曰：外者十六心見道，彼初道未知智時，於見諦道中，彼共有相應品智及觀，是故彼已知而知非未知已。觀而觀非未觀，問曰：此中依外不問不答。若十五意見道，此說云：何尊者？僧伽婆修說曰：當道未知忍，現在前時修當來無量道未知忍。若彼當來修無量道未知忍者，是彼觀共有相應法。說曰：此不論。問曰：何以故此不論？答曰：非是當來道能觀。問曰：若不尔者，此云何？答曰：多故多已。觀當觀少，未觀當觀如地，無量無邊知見已。觀當觀如地，一九如是未觀當觀如空，無量無邊如是已。觀當觀如空。

一致納處如是未觀當觀如海無量無邊如是已觀當觀如海一滴如是未觀當觀如須彌山王無量無邊如是已觀當觀如須芥子數如是未觀當觀是謂多故或曰於彼上當生道已曾所觀已曾所觀意陰覆墮下以是故說已知根非未知根問曰無知根云何荅曰已知當知已觀當觀無有未斷可斷是謂無知根問曰若已知當知已觀當觀無有未斷可斷者佛辟支佛聲聞亦已知當知已觀當觀無有未斷可斷何以故三等一說佛不說餘荅曰謂始覺覺一切法不破正智或曰謂始得盡智除二陰障結障及解脫障

或曰謂意中除二種無知闇癡染著及不染
著等及第一義或曰謂意中除二種疑惑相
豫處處及結處或曰謂多聞無獸或曰謂得
盡甚深緣起底非如一切聲聞辟支佛作譬
喻三獸渡河兔馬香象兔者浮而渡河馬者
少多觸沙而渡香象者盡底蹈沙而渡如是
三乘渡緣起河佛辟支佛聲聞如兔浮渡河
如是當觀聲聞緣起智如馬少多觸沙而渡
如是當觀辟支佛緣起智如香象盡底蹈沙
而渡如是當觀佛世尊緣起智是故說謂得
盡甚深緣起底非如一切聲聞辟支佛或曰
謂四聖諦的智箭極深入如非一切聲聞辟

支佛作譬喻如一的一三人共射一者摩呵能
伽二者鉢騫提三者那羅延摩呵能伽者雖
著的不能入何況能過鉢騫提者雖著的能
入不能令過那羅延者射破的徹過入地彼
的亦不現堅軟隨彼力軟中上射破的亦有
軟中上如是三乘射四聖諦的佛辟支佛聲
聞如摩呵能伽雖著的不能入況當能過如
是當觀聲聞四聖諦智如鉢騫提雖著的能
入不能令過如是當觀辟支佛四聖諦智如
那羅延射破的徹過入地如是當觀佛四聖
諦智此四聖諦的亦不現堅軟隨彼智力有
軟中上四聖諦的便有軟中上是故說謂四

聖諦的智箭極深入如非一切聲聞辟支佛
或曰謂知自覺盡及具辟支佛者雖自覺及
具非是盡聲聞者不能自覺何況具盡是說
謂知自覺具及盡或曰謂緣自覺及盡行辟
支佛者雖有自覺不能盡行聲聞不能自覺
何況盡行或曰謂說無二種辯才不盡所說
無異或曰成就身及身所依明行成轉輪聖
王雖身成就無身所依聲聞辟支佛雖成就
身所依非是身佛亦成就身及身所依明行
成或曰謂三成就色族妙語復三成就誓果
教授或曰三不護及三不共意止或曰謂四
不護及四不諫或曰謂成就四智因智時智

想智他說智復有四智無滯智無任智無錯
智無礙智或曰謂覺種種因覺種種果覺種
種治覺種種意或曰一無二獨福力降魔如
非一切聲聞辟支佛說者謂菩薩食難陀難
陀波羅乳糜已作如是意坐道樹下要不破
結跏坐至盡有漏彼時魔波旬宮殿六及震
動彼作是念不知是誰力彼見菩薩坐道樹
下作如是意要不破結跏坐至盡有漏彼
時魔波旬雨華雨至菩薩所到已善言語菩
薩悉達阿菟是濁世時衆生意剛強如此時
難可得成無上正真道且起我當給汝七寶
及以千子領四天下爲轉輪聖王菩薩說曰

波旬。汝唐疲勞速令此地。及泉源池水莊嚴
村城舍宅。人民飛在空中。空及日月星辰速
令墮地。要不與汝起。至盡有漏。魔波旬說白
我以愛善之言。用告汝。汝不起者。當見極惡
作是語已。還至天上。告六欲天諸賢。當持鋒
戟。刀鉤。金椎。鉞斧。銜索。長鉤。我有怨家。今在
道樹下坐。彼時菩薩魔波旬還去。不久便作
是念。常凡人共諍。由當防護。不應默住。何況
欲界豪貴菩薩。去欲結迹。先已修習。彼速除
欲已。發於神足。種種變化。謂作鼠形者。化作
猫。謂作猫形。化作狗。謂狗形。化作豹。謂豹
形。化作虎。謂虎形。化作師子。謂戴火。化作兩

謂兩化作蓋菩薩自化作琉璃臺在中結跏
趺坐謂障形不障眼變化已菩薩作是念我
種種變化若我他行法時有所媯亂者魔波
旬必能媯亂我若他行法時不作媯亂者
魔波旬終不能媯亂我菩薩因此事念宿命
神通作證發已觀百衆生千衆生行法時極
似給所當菩薩作是念如我種種變化如本
行善因令如此魔百千億來者彼終不能媯
亂我何況一魔菩薩作是念任於是魔波旬
及十八億魔作醜陋面牙齒恐怖聲極惡音
聲執持種種鉞戟滿三十六由延往詣道樹
所到已語菩薩曰悉達阿菟汝見此惡衆不

速起莫於此。無量苦菩薩說曰波旬汝語如小兒汝昔一齋之施謂因果力今得如是自在魔說曰我一齋之施汝施幾齋菩薩說曰我施無量百無量百千齋魔說曰我齋之施得汝為證誰為汝證彼時菩薩滿百千福相好莊嚴紫磨金色以合縵掌案地地即大動此以為證彼時此地如七寶器聲彼魔眾聞已恐怖散壞顧面奔走施惡音聲復道而還菩薩所生眼魔眾過一由延不復見菩薩因此天眼神通作證發已但見而耳不聞菩薩因此天耳神通作證發已能聞不知以何意來菩薩如他心神通作證發已觀

釋釋衆妙意

魔衆惡意來菩薩作是念

魔波旬何因來此觀守境界故來以何故守
境界便作是念以結故菩薩因此斷一切結
已三十四心頃成無上正真等正覺道三十
四心頃者見道十五心道未知智第十六謂
道已知智此菩薩有想無想處除欲時是方
便道有想無想處斷九品結九無礙道九解
脫道是謂三十四心頃謂一切三耶三佛位
此以降魔及官屬成最正覺是說謂一無二
獨以福力降魔及官屬已成無上正真道已
如非一切聲聞辟支佛或曰謂以知智滿及
覺道行及行緣及緣根及根義或曰謂有十

力四無所畏。十八不共法。或曰謂離世八法不可得功德邊救諸危厄而爲作歸。或曰謂大悲久遠來微入普入一切衆生等轉行久遠來者三阿僧祇具修行遠來也。微入者覺三苦微入也。一者苦。二者行。三者變易苦也。普來者三界緣普入也。一切衆生等轉行者怨親中間等意故一切衆生等轉行也。是故說謂太悲久遠來微入普入一切衆生等轉行以是故等三說一佛非聲聞辟支佛問曰何以故色陰中眼根耳鼻舌身根立根色聲香味細滑不立根。答曰謂內彼立根外者不立根。謂現在時衆生數彼立根不定者不立根。謂受彼立

根不受者不立根謂斷時痛痒重擔彼立根
不定者不立根謂根彼立根謂根義不立根
以故介問曰何以故痛陰中樂痛立二根樂
根及喜根苦痛亦立二根苦根及憂根何以
故不苦不樂立一根護根荅曰應說若不說
者世尊有餘言現義現義門現義略現義度
當知義或曰現二門二略二度二炬二明二
光現二數如樂痛苦痛立二根不苦不樂亦
應立二根此有差謂於彼可得起二根如不
苦不樂立一根如是樂痛苦痛亦應一根有
此等行謂彼起一根是說現二門二略二度
二炬二明二光現二數或曰離相違故樂痛

苦痛相違。苦痛亦樂。痛相違。彼不苦不樂。痛更無餘。痛相違。是離相違。故以故。尔或曰。轉行餘。故此樂痛異。樂根轉行異。喜根苦痛亦異。苦根轉行異。憂根彼不苦不樂。痛一切轉行餘。以故。尔或曰。樂痛或利或不利。或狂或不狂。或住或不住。或定或不定。謂彼不利狂狂不住。定彼立一根。是樂根利狂不住不定。彼立喜根。苦痛亦尔。彼不苦不樂。痛一切不利。不住定。以是故。樂痛立二根。樂根及喜根。苦痛亦立二根。苦根及憂根。不苦不樂立一根。護根問曰。想何以故。不立根。答曰。多有法。不立根。中何以獨問。想問。白色陰。或立根。

或不立根如是行陰或立根或不立根痛陰
及識陰盡立根此想何以故盡不立根耶答
曰謂無根相無根相故不立根或曰根自力
轉行此想因他力轉行如弟子及傭作人隨
彼教勅教取即取教捨即捨如是想若痛所
覺彼想即想若思所思彼想即想若識所識
彼想即想尊者婆須蜜說曰何以故想不立
根者增上義是根義想非增上問曰如一切
有爲法各各相增無爲法有爲法增何以故
想非增上答曰謂諸法能壞結彼立根非想
能壞結問曰想亦能壞結世尊所說無常想
修習多修習壞一切欲愛及色愛無色愛壞

一切無明及慢何以故說想不能壞結尊者
曇摩多羅說曰諸尊想者因他受想彼從他
起如受所依如彼餘心數法作緣已然後受
想是故說諸尊想者因他受想彼從他起如
所受依以是故想不立根問曰結何以故不
立根荅曰增上義是根義結非增上痛於結
增上故問曰結增上於解脫中退沒在生死
遠離於善何以故說結非增上荅曰不如是
增上如於解脫中退沒在生死遠離於善此
是說上賤弊非增上問曰此痛因結增上
何以故痛立根結不立荅曰雖痛因結起因
結得增上但結是下賤如城中豪貴主立守

門人彼守門者雖極增惡但非此增上緣如是增上主如是痛雖因結起因結得增上但結下賤以是故痛立根結不立問曰何以故痛善染污不隱沒無記一切立根慧者謂善彼立根染污不隱沒無記不立根答曰痛者結所宗是故善染污不隱沒無記盡立根慧者善法所宗謂善彼屬善法謂染污彼斷善法謂不隱沒無記不可用以是故痛善染污隱沒無記盡立根慧者謂善彼立根染污不隱沒無記不立根問曰若妙義是根義者涅槃於一切法最妙何以故不立根答曰彼涅槃壞根非根非根如車壞非車瓶壞非瓶財物壞

非財物如是涅槃根壞非根或曰根者墮生老
無常涅槃者不墮生老無常或曰根者有因
得有為相涅槃者無因得無為相或曰根者
轉世作行受果能知緣涅槃者非轉世不作
行不受果不知緣或曰根者前後可得涅槃
者無前後或曰根者軟中上可得涅槃者離
軟中上或曰根者墮世涅槃者離世或曰根
者是陰涅槃者離陰或曰根者縛苦涅槃者
離苦或曰有為法者因行故說妙義根義但
涅槃一切有為法中妙廣說

二十
二
根
竟

邊崖

下音宜

仿佯

上音下音

傍

平聲也

慰勞

下音呼

婆跬

下七反

羶提

上延反

騾

反即和

唐出

唐言空也

僧佉

下音迦反

唯瞿曇

癸上反

猗

反於離

倚

於一音離

淫褻

即下音

顏

貌

下白字

嗅

二同

許

鞞

莫音

渚

煮音

迴覆

上音回

兢

反居陵

黠

上八反

誹謗

又上非

佛

二音

音

騰書

上音騰

蚊

上音

而

反文下

蹈

盜音

騫提

上音

乳糜

下音

鉞

莫音

下

樞

直音

越

上音

鉞

大斧也

術

上音

索

反犬

貓

莫音

合曼

下音

痛

痒

下音

傭

上音

作

容音

貓

莫音

合曼

下音

卷之二

